

HELAIAN KETERANGAN PRODUK

TAKAFUL IKHLAS GENERAL BERHAD
(Ahli PIDM)

(Sila baca Helaiian Keterangan Produk ini sebelum anda membuat keputusan memilih **IKHLAS Group Personal Accident Takaful (Long Term)**. Pastikan juga anda telah membaca terma-terma dan syarat-syarat)

(Dilisenkan di bawah Akta Perkhidmatan Kewangan Islam 2013 dan dikawal selia oleh Bank Negara Malaysia)

Tarikh:

1) Produk apakah ini?

Sijil Takaful ini menyediakan pampasan sekiranya berlakunya kecederaan, hilang keupayaan kekal atau kematian yang disebabkan semata-mata oleh keganasan, keadaan tidak sengaja dan faktor luaran yang ketara. Musibah ini mestilah disebabkan oleh KEMALANGAN, tertakluk kepada pengecualian yang dinyatakan.

Tempoh perlindungan adalah untuk lima (5) tahun.

2) Apakah konsep Syariah yang diguna pakai?

Tabarru'	bermaksud derma bagi tujuan perpaduan dan kerjasama di kalangan Peserta-peserta Takaful dan akan digunakan untuk membantu semua Peserta Takaful yang ditimpa musibah. Di dalam konteks pihak Syarikat, Tabarru' akan diperuntukkan ke dalam Dana Risiko peserta.
Wakalah	merujuk kepada kontrak di mana satu pihak, sebagai prinsipal (<i>muwakkil</i>) membenarkan pihak lain sebagai ejen (<i>wakil</i>) untuk melaksanakan tugas tertentu dalam hal-hal yang boleh diwakilkan, dengan atau tanpa mengenakan bayaran. Di dalam konteks pihak Syarikat, kami dilantik sebagai ejen (<i>wakil</i>) untuk melaksanakan Perniagaan Takaful, dan Yuran Wakalah (<i>Ujrah</i>) akan dibayar kepada pihak Syarikat.

Nota: "pihak Syarikat" merujuk kepada Takaful Ikhlas General Berhad. Sila rujuk kepada Sijil Takaful untuk maklumat lanjut.

3) Apakah perlindungan-perindungan / manfaat-manfaat Takaful yang ditawarkan?

Manfaat Takaful	Amaun Perlindungan (RM)
Kematian akibat Kemalangan (sekali gus)	50,000
Hilang Keupayaan Kekal akibat Kemalangan (sekali gus)	Sehingga 50,000
Perbelanjaan Pengebumian (sekali gus apabila Kematian akibat Kemalangan)	2,000
Perbelanjaan Perubatan(maksimum dan jumlah keseluruhan)	2,000
Fi Ambulans (maksimum dan jumlah keseluruhan)	1,000
Elaun Kesulitan akibat Ragut (maksimum dan jumlah keseluruhan)	1,000
Badal Haji (sekali gus apabila Kematian akibat Kemalangan)	5,000
Perbelanjaan mobiliti (maksimum dan jumlah keseluruhan)	1,000

Berikut adalah keterangan manfaat yang ditawarkan:

Manfaat – manfaat	Keterangan
Kematian akibat Kemalangan	Kematian Orang yang Dilindungi yang semata-mata dan secara langsung disebabkan oleh Kemalangan yang mengakibatkan kecederaan luar yang parah dan nyata (termasuk akibat secara langsung daripada pendedahan kepada elemen tersebut) dan tidak termasuk penyakit, parasit, jangkitan virus atau bakteria atau sebarang keadaan semula jadi atau proses degeneratif; dalam tempoh Takaful.
Hilang Keupayaan Kekal akibat Kemalangan	Hilang keupayaan kekal Orang yang Dilindungi yang semata-mata dan secara langsung disebabkan oleh Kemalangan yang mengakibatkan kecederaan luar yang parah dan nyata (termasuk akibat secara langsung daripada pendedahan kepada elemen tersebut) dan tidak termasuk penyakit, parasit, jangkitan virus atau bakteria atau sebarang keadaan semula jadi atau proses degeneratif; dalam tempoh Takaful.
Perbelanjaan Pengebumian	Jumlah sekali gus akan dibayar untuk perbelanjaan pengebumian apabila berlakunya kematian akibat Kemalangan ke atas Orang yang Dilindungi.

Perbelanjaan perubatan (maksimum dan jumlah keseluruhan)	Pembayaran balik kos sebenar perbelanjaan perubatan yang ditanggung untuk rawatan Kecederaan Tubuh Badan akibat Kemalangan sehingga jumlah seperti yang tertera di atas.
Fi ambulans (maksimum dan jumlah keseluruhan)	Pembayaran semula kos sebenar fi perkhidmatan ambulan adalah sehingga jumlah seperti yang tertera di atas, akan dibayar sekira berlakunya Kemalangan.
Elaun kesulitan akibat ragut (maksimum dan jumlah keseluruhan)	Ragut bermaksud kehilangan dompet, atau beg lain berserta dengan kandungan di dalamnya milik Orang yang Dilindungi, atau kehilangan apa-apa barang berharga yang dipakai oleh Orang yang Dilindungi, pada masa material, akibat diragut oleh orang yang tidak dikenali termasuk percubaan ke arah tersebut. Sekiranya berlaku kejadian ragut, jumlah sekali gus seperti yang tertera di atas akan dibayar kepada Orang yang Dilindungi, dengan syarat laporan polis diserahkan kepada pihak Syarikat.
Badal Haji	Sekiranya berlaku kematian ke atas Orang yang Dilindungi disebabkan oleh kemalangan, penama digalakkan untuk menggunakan manfaat ini bagi menguruskan Badal Haji bagi pihak Orang yang Dilindungi. Bagi bukan Islam, manfaat ini akan dibayar sebagai tambahan untuk perbelanjaan pengebumian sedia ada.
Perbelanjaan mobility (maksimum dan jumlah keseluruhan)	Sekiranya Orang yang Dilindungi mengalami hilang keupayaan kekal akibat kemalangan, pihak Syarikat akan membayar balik untuk kos pembelian mana – mana peralatan perubatan berikut dengan syarat peralatan perubatan tersebut diperlukan untuk membantu pergerakan Orang yang Dilindungi dan disyorkan oleh doktor / pakar bedah yang merawat. <ul style="list-style-type: none"> ▪ Kerusi roda dan / atau ; ▪ Kenderaan bermotor dengan kawalan yang dilaraskan dan / atau ; ▪ Lif, tanjakan yang diperlukan, pagar dan pegangan ke tempat kebiasaan kediaman.

Nota: Sila rujuk kepada Skala Pampasan bagi Kematian dan Hilang Keupayaan Kekal di dalam Sijil Takaful. Tempoh perlindungan adalah untuk lima (5) tahun. Bagi bukan Islam, manfaat Badal Haji akan dibayar sebagai tambahan kepada manfaat Perbelanjaan Pengebumian sedia ada.

4) Berapakah jumlah Sumbangan Takaful yang perlu dibayar?

Jumlah Sumbangan Takaful adalah seperti yang tertera di bawah:

	RM
Sumbangan Takaful	500.00
Cukai Perkhidmatan	40.00
Jumlah Sumbangan Takaful	540.00

Nota: Perlindungan hanya berkuat kuasa di luar waktu bertugas bagi kakitangan beruniform (Polis, Tentera, Bomba, dsb) dan kakitangan Kelas 4 iaitu mereka yang bekerja sebagai pekerja manual melibatkan penggunaan peralatan jentera berat dan mesin.

5) Apakah yuran-yuran dan caj-caj yang perlu dibayar

Caj-caj yang dikenakan adalah seperti berikut:

Bayaran yang perlu dijelaskan disamping jumlah Sumbangan Takaful:

- Cukai yang digunapakai tertakluk pada kadar semasa yang dikenakan.
- Duti setem : RM10.00 (dibayar oleh pemilik Sijil Takaful Induk)

Bayaran lain yang termasuk dalam jumlah Sumbangan Takaful :

- Yuran Wakalah -
 - ✓ Komisen : sehingga 25% daripada Sumbangan Takaful
 - ✓ Perbelanjaan pengurusan : sehingga 35% daripada Sumbangan Takaful

Bayaran yang perlu dijelaskan jika anda membatalkan Sijil Takaful ini:-

- Yuran Pembatalan : RM10.00

6) Apakah terma-terma dan syarat-syarat utama yang perlu diketahui?

Had umur

- 18 sehingga 65 tahun

Kepentingan Pendedahan

- Menurut perenggan 5 daripada Jadual 9 Akta Perkhidmatan Kewangan Islam 2013, jika anda memohon Takaful ini sepenuhnya untuk tujuan yang tidak berkaitan perdagangan, perniagaan atau profesion anda, anda mempunyai kewajipan untuk mengambil langkah penjagaan munasabah untuk tidak membuat salah nyataan semasa menjawab soalan-soalan dalam borang cadangan (atau apabila anda memohon untuk Takaful ini). Anda dikehendaki menjawab soalan-soalan dengan lengkap dan tepat. Kegagalan untuk mengambil penjagaan munasabah dalam menjawab soalan-soalan mungkin mengakibatkan pembatalan kontrak Takaful anda, penolakan atau pengurangan tuntutan, perubahan terma atau penamatan kontrak Takaful anda.
- Kewajipan pendedahan di atas adalah berterusan sehingga kontrak Takaful anda dibuat, diubah atau diperbaharui dengan kami.

Pampasan/ tanggungan

- Kami akan membayar pampasan di atas kematian atau hilang keupayaan kekal berdasarkan kepada "Skala Pampasan" yang disertakan di dalam Sijil Takaful. Walau bagaimanapun tuntutan untuk rawatan perubatan, pampasan anda adalah berdasarkan pengembalian jumlah perbelanjaan sebenar tertakluk kepada had yang dinyatakan di dalam Sijil Takaful. Anda tidak dibenarkan membuat tuntutan berganda bagi perbelanjaan perubatan yang sama

Waranti Sumbangan Takaful

- Ia adalah penting dan menjadi syarat khas Sijil Takaful ini bahawa Sumbangan Takaful yang perlu dibayar mestilah dibayar dan diterima oleh pengendali Takaful dalam tempoh enam puluh (60) hari dari tarikh permulaan Sijil Takaful ini atau endorsmen / pembaharuan Sijil Takaful.
- Bilamana Sumbangan Takaful yang dibayar lanjutan dari waranti ini, diterima oleh wakil Syarikat yang diberi kuasa, bayaran tersebut akan dikira telah diterima oleh pihak Syarikat. Tanggungjawab bagi membuktikan Sumbangan Takaful perlu dibayar telah diterima oleh seseorang, termasuk wakil Takaful yang tidak diberi kuasa untuk menerima Sumbangan Takaful, terletak pada pengendali Takaful.
- Waranti ini tertakluk kepada terma dan syarat yang terkandung di dalam Sijil Takaful ini.

Lebihan

- Sebarang lebihan daripada portfolio ini akan dikekalkan sepenuhnya di dalam Dana Risiko. Tiada lebihan akan diagihkan daripada portfolio ini.

7) Apakah pengecualian-pengecualian utama yang terdapat di dalam Sijil Takaful ini?

Sijil Takaful ini tidak memperuntukkan perlindungan ke atas kematian atau kecederaan yang disebabkan oleh:

- a) Orang yang Dilindungi melakukan atau cuba melakukan apa-apa perbuatan yang menyalahi undang-undang;
- b) Peperangan, serangan, perbuatan musuh asing, permusuhan (sama ada peperangan diisytiharkan atau tidak), peperangan sivil, pemberontakan, revolusi, pemberontakan atau rampasan kuasa, mogok, rusuhan, kekecohan awam, kebangkitan tentera atau kebangkitan popular di mana Orang Yang Dilindungi secara langsung atau tidak langsung mengambil bahagian atau terlibat walau apa jua dalam aktiviti-aktiviti tersebut;
- c) Penglibatan di dalam aktiviti keganasan;
- d) Gila, bunuh diri (sama ada siuman atau tidak siuman) atau apa-apa percubaan ke arah itu oleh Orang Yang Dilindungi;
- e) Kecacatan atau kelemahan fizikal atau mental sedia wujud pada Orang Yang Dilindungi;
- f) Jangkitan bakteria atau virus, apa-apa penyakit, rawatan perubatan atau pembedahan (kecuali sebagaimana yang perlu semata-mata akibat kecederaan yang dilindungi oleh Sijil Takaful ini dan dilaksanakan dalam masa yang tertera di dalam Sijil Takaful) kepada Orang Yang Dilindungi;
- g) Bersalin, keguguran, kehamilan atau apa-apa komplikasi yang berkaitannya kepada Orang Yang Dilindungi kecuali keguguran disebabkan kecederaan tubuh badan akibat kemalangan;
- h) Perbuatan asakan atau serangan yang dimulakan oleh Orang Yang Dilindungi yang menyebabkan dirinya terbunuh;

- i) Sebarang perlakuan yang melanggar Undang-undang Sivill atau Syariah dan prinsip-prinsipnya oleh Orang Yang Dilindungi;
- j) Hilang keupayaan kekal yang sedia ada atau kecederaan tubuh badan pada Orang Yang Dilindungi;
- k) Penyalahgunaan bahan, alkohol dan/ atau dadah oleh Orang Yang Dilindungi melainkan dadah tersebut diambil mengikut preskripsi perubatan yang dibenarkan;
- l) Sebab-sebab lain yang dilarang oleh Undang-undang dan prinsip-prinsip Shariah.

Nota: Senarai ini bukan senarai yang lengkap. Sila rujuk Sijil Takaful untuk senarai penuh bagi pengecualian di bawah Sijil Takaful ini.

8) Bolehkah saya membatalkan Sijil Takaful ini?

Anda boleh membatalkan Sijil Takaful ini dengan menyerahkan notis bertulis kepada pihak kami. Selepas pembatalan, anda layak mendapat pulangan Sumbangan Takaful untuk kadar pro rata bagi tempoh Sijil Takaful yang belum luput. Tiada pulangan Sumbangan Takaful dibenarkan jika ada sebarang tuntutan di bawah Sijil Takaful ini.

9) Apakah yang perlu dilakukan sekiranya terdapat perubahan kepada maklumat untuk dihubungi?

Adalah penting bagi anda untuk memaklumkan kepada kami tentang sebarang perubahan mengenai maklumat anda bagi memastikan semua surat-menyurat dapat disampaikan kepada anda tepat pada masanya.

10) Bagaimanakah saya boleh mendapatkan maklumat lanjut?

Sekiranya anda memerlukan maklumat tambahan mengenai **IKHLAS Group Personal Accident Takaful (Long Term)**, sila hubungi kami di:

Takaful Ikhlas General Berhad

Jabatan Pengurusan Perhubungan Pelanggan,
IKHLAS Point, Tower 11A, Avenue 5, Bangsar South,
No. 8 Jalan Kerinchi, 59200 Kuala Lumpur.

Tel: 03-2723 9696

Faks: 03-2723 9998

Laman sesawang : www.takaful-ikhlas.com.my

Emel: ikhlascare@takaful-ikhlas.com.my

11) Jenis perlindungan Kemalangan Diri Takaful lain yang disediakan

IKHLAS Group Personal Accident Takaful

Notis Perlindungan PIDM

Manfaat-manfaat yang dibayar di bawah Sijil Takaful yang layak adalah dilindungi oleh PIDM sehingga had perlindungan. Sila rujuk Brosur TIPS PIDM atau hubungi Takaful Ikhlas General Berhad atau PIDM (lawati www.pidm.gov.my).

NOTA PENTING:

ANDA DINASIHATKAN UNTUK MENGAMBIL PERHATIAN MENGENAI SKALA PAMPASAN UNTUK KEMATIAN DAN HILANG KEUPAYAAN KEKAL DALAM SIJIL TAKAFUL ANDA. ANDA MESTI MENCALONKAN PENAMA DAN PASTIKAN PENAMA ANDA TAHU TENTANG SIJIL TAKAFUL KEMALANGAN DIRI YANG ANDA TELAH SERTAI. ANDA PERLU MEMBACA DAN MEMAHAMI SIJIL TAKAFUL DAN BERBINCANG DENGAN WAKIL ANDA ATAU HUBUNGI PENGENDALI TAKAFUL UNTUK MAKLUMAT LANJUT.

Informasi yang disediakan dalam Helaian Keterangan Produk ini adalah sah pada 01/03/2024